



Forbruger- og Konkurrencestyrelsen

Atuisartoqarnermut Unammilleqatigiinnermullu Aqutsisoqarfik

Oqaasertaliiniarlutit una tooruk.

Atuisartut Naammagittaalliornermut Ataatsimiisitaliaa ulloq 24. marsi 2022-mi Air Greenland A/S pillugu naammagittaalliuutit suliaraa imalu aalajangiivoq:

Ulloq: 25-03-2022

Suliap normua: 21/00687

AALAJANGIINEQ

Naammagittaalliuutinnut ilalernerqarputit.

Air greenland A/S-ip una aalajangiineq tигuneraniit, ullut 30-it qaangiutsinnagit, 3.202 kr-inik utertitsivigissavaatit aammattaaq erniaqarnermut inatsisit malillugit 20. aggusti 2021-imiit akiliisoqarnissaatalu tungaanut atuuttussamik ernianik tunisussaataallutit.

Forbruger- og Konkurrencestyrelsen

Atuisartoqarnermut

Unammilleqatigiinnermullu Aqutsisoqarfik

Postboks 689

3900 Nuuk

Oqarasuaat (+299) 32 80 33

E-mail: maalaarut@nanoq.gl

www.aua.gl

Aallarniut

Naammagittaalliuut ulloq 19. aggusti 2021-mi tiguneqarpoq.

Naammagittaalliuut Ilulissat - Nuuk siumut uterlugulu angalanermit paninnut billitsinut tunngassuteqarpoq, taakkualu ulloqarlutik 7. maaji 2021 aamma ulloq 12. juuli 2021.

Illit/1> ulloq 12. juuli 2021-mi billitsisarineqarsimasoq utertikkumallugu piumasaqarsimavutit, taannalu 3.524 koruuneqarpoq, mittarfeqarfiup akitsuutaa 322 koruunit ilanngaatigalugit Air Greenland A/S-ip utereersimavai.

Air Greenland A/S-ip piumasaqaatit naammassisimangilaa.

Suliamik saqqummiineq

Ulloq 7. maaji 2021 paninnut Nuummiit Ilulissanut ulloq 22. juuni 2021-mi aallartussanngorlugu aamma Ilulissaniit Nuummut ulloq 27. juuli 2021 utertussanngorlugu 4.920 koruunilimmik billitsisivutit (Takussutissaq 1).

Ulloq 7. juuni 2021 Air Greenland A/S-imut utimut angalanissaq sioqqullugu nuutsikkusullugu attaveqarputit (Takussutissaq 1).

Ulloq 8. juuni 2021 Air Greenland A/S-imiit e-mailinnapputit, tassanilu takuneqarsinnaavoq, Takuss-billitsiummat utimut billitsi allanngortinneqarsinnaanngitsoq. Ilisimatitsiissutigineqarpoq, mittarfeqarfimmut akitsuutit kisiisa utertinneqarsinnaasut (Takussutissaq 1).

Ulloq 16. juuni 2021 Air Greenland A/S-imut attaveqarputit, tassanilu panippit aallarfiissaa nutaaq paaserusullugu kissaateqarlutit, tassani ulloq 22. juuni 2021-mi aallarfiissat tamarmik matuneqarsimmata. Tassani mailimi aamma allappat, uternissaa siusinnerussasoq kissaatigalugu (Takussutissaq 1).

Ulloq 17. juuni 2021 "rebooking" pillugu qinnuteqaammik imersuivutit. Qinnuteqaammi immersugassami takuneqarsinnaavoq, Nuummiit angalanissaa ulloq 24. juuni 2021-mut siuartikkusukkit Ilulissanullu angalanissaralua ulloq 20. juuli 2021-miikkaluartoq (Takussutissaq 10).

Ulloq 18. juuni 2021 nal. 10.04 Air Greenland A/S-ip atuisuminut kiffartuussiveqarfiani sulisoq ilisimatitsiivoq, Nuummiit ulloq 22. juuni 2021 tikillugu aallartussat iliuuseqaqqaaratik billitsii allanngortinneqassasut (Takussutissaq 10).

Ulloq taanna nal. 10.17 Air Greenland A/S-imut attaveqarputit. Ilisimatitsiivutit, nittartagaanni takuneqarsinnaasoq, timmisartut tamarmik ulloq 22. juuni 2021 aallarnerfigalugu timmisussaagaluit unitsinneqartut, illillu taamaatummik ulloq 17. juuni 2021-mi panippit billitsiata allanngortinnissaanut kissaateqarlutit immersuisimallutit. Air Greenland A/S-ip nittartagaani allaqqasoq e-mailimi ilaarneqarsimavoq, tassanilu takuneqarsinnaavoq, oqartussaasut Nuummi Covid-19-imik tuniluunneq peqqutaalluni ulloq 22. juuni 2021 aallarnerfigalugu Nuummiit aallarnissaat tamarmik unitsinneqartut (Takussutissaq 1).

Ulloq taanna nal. 13.24 Air Greenland A/S-ip nittartagaanut ikiortitut sulisoq akissuteqarpoq, innersuussutit aamma allanngortinneqartut,

maannakkullu taamaasillutit tamakkiisumik utertiinissaq imalunniit billitsimik allannguinnissaq toqqagassanngorlutik (Takussutissaq 1).

Ulloq 22. juuni 2021 nal. 08.52 Air Greenland A/S-ip nittartagaanut ikiortitut sulisoq ilisimatitsiivoq, suli angalaneq matoqqasoq, kinguaattoortullu oqilisaanneqarnissaat sulissutigineqartoq. Ikioritut sulisup apeqqutigaa, qaqugumut billitsi allanngortinneqarusunnarsaq (Takussutissaq 1).

Ulloq taanna nal. 08.56 Air Greenland A/S-ip nittartagaanut ikiortitut sulisumut akissuteqarputit, paniit ullaq aallarsimasooq. Panippit uternissaa ulloq 20. juuli 2021-mut siuartinneqassasooq noqqaassitigaat (Takussutissaq 1).

Ulloq 24. juuni 2021 Air Greenland A/S-ip nittartagaanut ikiortitut sulisoq akissuteqarpoq, Takuss-billitsiummat allanngortinneqarnissaa utertinnissaaluunniit periarfissaanngitsooq. Air Greenland A/S ilisimatitsiivoq, suliaq matullugu (Takussutissaq 1).

Ulloq taanna Air Greenland A/S-ip nittartagaanut ikiortitut sulisumut attaveqarputit ilisimatillugulu, Air Greenland A/S-ip billitsip allanngortinnissaanut utertinnissaanulluunniit periarfississimagaatit (Takussutissaq 1).

Ulloq taanna Air Greenland-ip nittartagaani ikiortitut sulisoq ilisimatitsiivoq, Nuummiit angalanerit tamarmik ulloq 22. juuni 2021 aallarnerfigalugu ammaqinneqartut (Takussutissaq 1).

Ulloq 25. juuni 2021 Air Greenland A/S-imut emaili 18. juuni 2021-meersoq Air Greenland A/S-ip nittartagaani ikiortitut sulisumut utertillugu nassiuppat. E-mailimi takuneqarsinnaavoq, Air Greenland A/S-ip nittartagaani ikiortaasup ulloq 18. juuni 2021-mi innersuussutiti allanngorsimasut pillugit ilisimatissimagaatit, taamaasillutillu billitsip allanngortinnissaanut utertinnissaanulluunniit periarfissaqartutit (Takussutissaq 1).

Ulloq 27. juuni 2021 Air Greenland A/S-ip nittartagaani ikiortitut sulisoq ilisimatitsiivoq, nittartakkaminni takuneqarsinnaasooq, Covid-19-imik

eqqungaasut kisimik billitsimik allanngortinnissaannut utertinnissaannulluunniit periarfissaqartut. Eqqugaasunut ilaannginnavit pisinnaatitaaffiit eqqaanneqartut ilinnut atuutsinneqanngillat (Takussutissaq 1).

Ulloq 1. juuli 2021 Atuisartoqarnermut Unammilleqatigiinnermullu Aqutsisoqarfiup attavigaatit, aqutsisoqarfimmullu suliap ingerlanera pillugu ilisimatitsiivutit (Takussutissaq 1).

Ulloq taanna Air Greenland A/S-ip nittartagaani ikiortitut sulisumit attavigineqarputit, taassumalu Customer Feedback-imut naammagittaalliuuteqassasutit innersuullutit (Takussutissaq 1).

Ulloq 6. juli 2021 Air Greenland A/S-ip nittartagaani ikiortitut sulisumut allagaqarputit, tassanilu aperialugu Ilulissaniit Nuumut ulloq 22. juuli 2021-moortoq atunngikkaanni aningaasat qanoq annertutigisut utertinneqarsinnaanersut (Takussutissaq 1).

Ulloq taanna Air Greenland A/S-ip nittartagaani ikiortitut sulisup akissuteqarfigaatit, tassanilu "Billetsera" aqqutigalugu mittarfeqarfimmut akileraarut kisiat utertinneqarsinnaasoq ilisimatillutit. Nalunaarutigineqarpoq nalinginnaasumik 100 koruuninik ilanngaateqartoqartoq (Takussutissaq 1).

Ulloq 7. juuli 2021 Nuummiit Ilulissanut billitsi atorneqareeraluarluni utertinneqarsinnaanersoq pillugu apeqquteqarputit. Qanoq annertutigisoq utertinneqarsinnaanersoq pillugu aperivutit (Takussutissaq 1).

Ulloq 12. juuli 2021 Air Greenland A/S-imut e-mailimik nassiussaqqarputit, tassanilu suliaq pillugu eqikkaallutit. Ilaatigut takuneqarsinnaavoq, mittarfeqarfimmut akileraarut 644 koruuniusut utertinneqarsimasut (Takussutissaq 1).

Ulloq taanna nutaamik panippit angerlarnissaanut Ilulissaniit Nuummut ulloq 22. juuli 2021-mi aallartussanngorlugu 3.524 koruunilimmik billitsisivutit (Takussutissaq 6).

Ulloq taanna Air Greenland A/S-ip Customer Feedback-ianut naammagittaalliuuteqarputit (Takussutissaq 3).

Ulloq 13. juuli 2021 Air Greenland A/S-ip nittartagaani ikiortitut sulisup akissuteqarfigaatit, tassanilu ilisimatillutit suleqataata neqeroorutigisinnaanngisaminik neqeroorfigisimagaatit. Angalanissaq atorunnaarsikkusukkukku mittarfeqarfimmi akileraarutit kisimik utertinneqarsinnaasut takuneqarsinnaavoq (Takussutissaq 2).

Ulloq 21. juuli 2021 Atuisartoqarnermut Unammilleqatigiinnermullu Aqutsisoqarfiup saaffiginnissutit 1. juuli 2021-meersoq akissuteqarfigaa. Atuisartoqarnermut Unammilleqatigiinnermullu Aqutsisoqarfiup ilaatigut ilisimatitsiissutigaa, Air Greenland A/S-ip mailia 22. juuni 2021-meersoq nal. 8.51 nassiunneqarsimasoq, tassani qaqugumorpiaq billitsi allangortikkusunnerissi pillugu apeqqutigineqarluni, ilinnut billitsip allangortinnissaanut neqeroorutitut paasineqassasoq, tamanna e-mailikkut sulisumut toqqaannartumik akuerineqarsinnaalluni ilinnuinaq neqeroorutitut isigineqarsinnaammat (Takussutissaq 2).

Ulloq taanna Atuisartoqarnermut Unammilleqatigiinnermullu Aqutsisoqarfiup akissutaa Air Greenland A/S-imut ingerlateqqippat. Ilisimatitsiivutit, billitsip nutaap ulloq 12. juuli 2021-mi pisiarineqarnikup nalinga tamaat utertillugu tigorussullugu, taanna paninnut pisiarisariaqarsimagakku (Takussutissaq 2).

Ulloq 18. agusti 2021 Air Greenland A/S-ip nittartagaani sullissisutut aqutsisup akissuteqarfigaatit, oqaatigalugulu suliaq misissorsimallugu, tassanilu paasisimallugu sullissinermi ikiortit arlallit suliamut ilaasimasut. Ilisimatitsiissutigineqarpoq, saaffiginnissutit siulleq panippit pilersaarutaata allangorneri peqquataallutik billitsiata allangortikkusunneranut tunngassuteqartoq. Tamannali itigartitsissutigineqarpoq, Takuss-billitsiunera peqquataalluni. Taanna billitsi nassuiarneqarpoq, allangortinneqarsinnaananilu utertinneqarsinnaanngitsoq. Atuisunut sullissinermi aqutsisup ilisimatitsiissutigaa, ulloq 18. juuni 2021-mi Nuummi Covid-19 peqquataalluni ulloq 22. juuni 2021 aalarnertigalugu matusoqarnerani billitsip allangortinnissaanut utertinnissaanulluunniit periarfissaqartutit neqeroorutigineqartoq. Atuisunut sullissinermi aqutsisup nalilerpaa,

utimut billitsi atorneqarnikuunngitsoq utertissinnaagit, tassanngaanniillu mittarfimmi akileraarut 322 koruuniusut utertinneqareersimasut. Tamanna tungavilerneqarpoq, utertiinissamut/allanngortitsinissamut neqeroorut allannguinnissap annertussusaa pillugu nassuiaatitaqanngitsoq (Takussutissaq 3).

Ulloq taanna aamma allassimavutit, Atuisartoqarnermut Unammilleqatigiinnermullu Aqutsisoqarfimmut naammagittaalliuutit utertillugu atorunnaarsissinnaallugu, tassani billitsimut nutaamut aningaasartuutit utertinneqarsinnaappata. 3.520 koruunit 322 koruuninik tunniutereernikunik ilanngarnikut pineqartut ilisimatitsiivutit (Takussutissaq 3).

Ulloq 19. aggusti 2021 Atuisartoqarnermut Unammilleqatigiinnermullu Aqutsioqarfimmut naammagittaalliorsimavutit (Takussutissaq 1).

Ulloq 26. aggusti 2021 Atuisartoqarnermut Unammilleqatigiinnermullu Aqutsisoqarfiup allaffeqarfia Air Greenland A/S-imut naammagittaalliummut oqaaseqaammik noqqaassuteqarluni nassiussivoq.

Ulloq 8. oktobari 2021 Air Greenland A/S ilisimatitsiivoq, ulloq 18. aggusti 2021 ilisimatissimallutit, billitsi utertissinnaagit, tassungalu atatillugu kontonnut paasissutissat nassiutissagtit. Takuneqarsinnaanngilarli billitsi sorleq Air Greenland A/S-ip utertinnissaanut akuerineraa (Takussutissaq 5).

Ulloq 11. oktobari 2021 atuisartoqarnermut unammilleqatigiinnermut aqutsisoqarfiup allaffeqarfiata Air Greenland A/S-ip akissuteqaataa 8. oktobari 2021-meersoq ilinnut tusarniaassutigalugu nassiuppaa.

Ulloq taanna akissuteqarputit, tassanilu nalunaarutigalugu Air Greenland A/S-ip billitsi atorneqanngitsoq 2.135 koruuninik nalilik mittarfeqarfimmi akileraarut 322 koruuniusut tigoreernikuusatit ilanngaatigereerlugit utertinneqarsinnaasoq pillugu neqerooruteqartoq. Takuneqarsinnaavoq, Air Greenland A/S-imut akissuteqasimasutit, Air Greenland A/S-ip 3.524 korrunik billitsisarisariaqarnikuusat utertissinnaappagu naammagittaalliuutit atorunnaarsissinnaallugu.

Ilisimatitsiivutit, e-mailerutit Air Greenland A/S-imiit akineqarnikuunngitsoq (Takussutissaq 6).

Ulloq 11. oktobari 2021 Atuisartut Pisisartullu Maalaarutaannik Aalajangiisartut allaffeqarfiata Air Greenland A/S-imut tusarniaanermi akissutit nassiuppaa.

Ulloq 12. novembari 2021 Air Greenland A/S ilisimatitsiivoq, utimut billitsi 3.524 koruuninik naleqartoq utertikkusullugu akissuteqarsimasutit. Air Greenland A/S tassunga tunngatillugu iliuuseqaqqissanngilaq (Takussutissaq 8).

Ulloq 25. novembari 2021 Atuisartut Pisisartullu Maalaarutaannik Aalajangiisartut allaffeqarfiata Air Greenland A/S-imut apeqqutit itinerusut nassiuppai.

Ulloq 26. novembari 2021 Air Greenland A/S akissuteqarpoq, billitsi atorneqanngitsoq mittarfimmi akileraarut 344 koruuniusut ilanngaatigereerlugit utertinnissaannut neqeroorfigisimagaluaaraatit, taakkualu illit tigoreersimagitit. Billitsi ntuaaq ulloq 12. juuli 2021-i pisiarineqarnikoq utertikkusukkaluarpat. Ilisimatitsiissutigineqarpoq, utertiinissamut inatsisit nalinginnaasut malillugit Takuss-billitsi allangortinneqarsinnaananilu utertinneqarsinnaanngitsoq. Mittarfeqarfimmi akileraarut kisimi utertinneqarsinnaavoq. Ilisimatitsiissutigineqarpoq, ulloq 15. juuni Covid-19 tuniluunnera peqqutaalluni piffissami 15. juunimiit 22. juuni 2021 tikillugu angallanneq killilersorneqalertoq, tassungalu atatillugu atuisut billitsertik allangortissinnaagaat imaluunniit utertissinnaagaat periarfissanngorluni. Ilisimatitsiissutigineqarpoq, ilinnut suliaq ulloq 7. juuni 2021-mi aallartinneqarmat angallannermut killilersuutit suli atuutilinngitsut, taamaattumillu suliaq itigartitsissutigineqartoq (Takussutissaq 9).

Tunngavilersuut

Atuisartut Pisisartullu Maalaarutaannik Aalajangiisartut aallarniutitut maluginiarpaa, pisoqarsimaneramik uppernartumik aammalu erseqqaarissumik nassuiaammik tunniussisimanerit tamatumalu kingorna Air Greenland A/S-ip akissutissaqarfigisinnaasimanngisaanik.

Aalajangiisartut taamaammat isumaqarput pisoqarsimaneranut nassuiaatitit aallaavigalugit suliame aalajangiisoqarsinnaasoq.

Atuisartut Pisisartullu Maalaarutaannik Aalajangiisartut suliame paasisutissat tunngavigalugit isumaqarput, e-mailernerme 22. juuni 2021-meersumi Air Greenland A/S-ip nittartagaani ikiortitut sulisumit neqeroorummik ilanngussaqaarsimasoq, tassanilu naatsorsuutseqqaarnak billitsi 7. maaji 2021-mi pisiarineqaarsimasoq allangortissinnaagit allaqqalluni, tak. Isumaqatigiinneq pillugu inatsimmi § 1¹.

Aalajangiisartut tassunga atatillugu maluginiarpaat, mittarfiup nittartagaani sullissisarfimmi atuisunut sullissisutut ikiortitut sulisup nammineerluni neqerooruteqarnissaminut atuisup aallarnissaanut allannguissamut pisinnaatitaasoq, taamaasillunilu sulisutut pisussaaffeqarluni billitsip allangortinneqarnissaanut mittarfeqarfik sinnerlugu neqerooruteqarsimasoq, tak. Isumaqatigiinnermi inatsimmi § 10, imm. 2.

Neqeroorummi oqaatsit atorneqartut tunngavigalugu neqeroorut akeqanngitsumik allannguissamut, akileraarusernagu imaluunniit billitsip nutaap akinga akiliutiginaq, neqeroorutaasoq.

Aalajangiisartut isumaqarput, neqeroorummi qanoq annertutigisumik akileraarummik akiliissanersutit imaluunniit Air Greenland A/S-ip billitsimik allannguissamut nalinginnaasumik piumasaqaatai malillugit akit assigiinngisusaat ilanngullugu akilissanerit isumaqanngitsoq, tassani (kukkusumik) Covid-19 peqqutaalluni allannguissamut neqeroorfigineqaarsimagavit.

Piusaqaatitaqanngitsumik akuersinissamullu piffissamik killiligaanngitsumik neqerooruteqartoqarsimavoq. Minutsit sisamat tiguneqaraniit akuerineqaarsimavoq, tassani angerlarnissaanut billitsi ulloq 20. juuli 2021-mut allangortikkusukkakku.

¹ANingaasaatit pigisallu nalillit pillugit isumaqatigiissutit pisassaqaataalersunillu neriorsoqatigiinnerit, inatsit nr. 242, 8. maaji 1917-imeersoq aamma inatsit nr. 250, 12. juuni 1975-imi kingusinnerusukkut allannguuteqartoq

Aalajangiisartut isumaqarput, neqeroorut inatsisitigut eqqortumik akuerineqarsimasoq, Isumaqatigiinneq pillugu inatsimmi § 3, imm. 1 takuuk, taamaasilluni akileraaruseqanngitsumik billitsi allanngortinneqarnissaanut pituttuisumik.

Ulloq 13. juuli 2021 Air Greenland A/S ilisimatitsiivoq, nittartakkami ikiortitit sulisup ulloq 22. juuni 2021-mi kukkulluni neqeroorutigisinnaanngisaminik periarfissisimagaatit.

Aalajangiisartut isumaqarput, Air Greenland A/S-ip nittartagaani ikiortitit sulisup billitsip akileraarutitaqanngitsumik allanngortinnissaanut neqerooruteqarunnaarmat, kukkunerusoq paasisimanngikkitt imaluunniit nammineq paasisimasussaagaluarit, tak. Isumaqatigiinneq pillugu inatsimmi § 32, imm. 1

Tassungaa atatillugu Aalajangiisartut tunngaviliuppaat, Covid-19-ip malitsigisaanik immikkut ittumik periarfissinneqarsimasutit pillugu innersuussutinik ilisimatinneqarsimanerit allanngorsimasoq, soorluttaa piffissap ingerlanerani Covid-19 peqqutaalluni billitsinik allannguinissamut utertiinissamulluunniit maleruagassat allanngorsimasut. Taamaattumik tamassuma periarfissanngoqqinnissaanut ernummateqarsimanngilatit, aamma Takuss-billitsiugaluarpalluunniit.

Ulloq 24. juuni aamma 27. juuni 2021 Air Greenland A/S-ip nittartagaani ikiortitit sulisup ilisimatitsiissutigaa, billitsip allanngortinnissaa utertinnissaaluunniit periarfissaanngitsoq, billitsi Takuss-billitsiummat.

Aalajangiisartut tamanna tunngavigalugu isumaqarput, Air Greenland A/S isumaqatigiisummik naammassinnissimanngitsoq, tassani allannguinissamut isumaqatigiissuteqarsimammat.

Ilisimatitsiivutit, massuma malitsigisaanik ulloq 12. juuli 2021-mi panippit angerlarnissaanut nutaamik ulloq 20. juuli 2021-mut billitsisariaqarsimallutit. Ilisimatitsiivutit, billitsimut 3.524 koruuninik akiliisimallutit.

Aalajangiisartut isumaqarput, akiligassaq naatsorsuutigisatut annaasaqaataasoq, tamannalu Air Greenland A/S-ip isumaqatigiisummik

naamassinnissimanginneranit tunngaveqartoq. Air Greenland A/S matumangga malitsigisaanik annaasamut taarsiinissaminnut pisussaaffeqarpoq. Annaasaq billitsip nutaap nalingatut nalilerneqarsinnaavoq, ass. pisinermi inatsimmi § 25-mi² tunngaviusoq.

Air Greenland A/S mittarfimmi akileraarutip 322 koruuninik nalillip billitsimut atatillugu utertereermagu, piffissaq eqqorlugu allangortinneqarsimasussaagaluarmat, 3.202 koruuninik suli utertiinissaannut pisussaaffeqarputit.

Taasuma nalinga ulloq 21. juuli 2021-mi utertinneqassasoq pillugu piunasaqarnerit uppernarsaatitaqarmat, Air Greenlan A/S-ilu piffissami taaneqartumi piunasaqaatip annertussusaanut pinnaatitarnullu tunngasunik isummernissaminut paasissutissat pisariaqartinneqartut tamaasa iserfigisinnaasimallugit, aalajangiisartut piunasaqaat ullugititap ullunik 30-it qaangiunneraniit ernialerlugit utertinneqarnissai isumaqarfigaat, tak. erniat pillugit inatsimmi § 3, imm. 2 aamma 3.

Naammagittaalliuuteqarnissamut ilitsersuut:

Atuisartut Naammagittaalliornermut Ataatsimiisitaliaata aalajangiinera allaffissornikkut oqartussaasunut allanut naamagittaalliutigisinaanngilaq, tak. tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat nr. 39, 9. decembari 2015-imeersumi § 35 imm. 2.

Inussiarnersumik inuulluaqqusillunga
Atuisartut Naammagittaalliornermut Ataatsimiisitaliaat

Freja Lisby Nielsen
Siulittaasoq

2) Inatsit nr. 102, 6. apriili 1906-imeersoq, kingusinnerusukkut allannguuteqartinneqartoq